

THE
JOURNAL OF THE
ROYAL ANTHROPOLOGICAL INSTITUTE

1907

欽定剿平捻匪方略卷一百四十二 壬戌年

三月二十三日巳乙僧格林沁國瑞毛爾熙奏言

臣等連日督軍進攻金樓該逆仍在圩內隱匿雖經施放炸礮轟擊賊匪無幾急切難以攻克現於賊圩里許四面設立營盤築立礮臺晝夜嚴防斷其接濟惟王雙樓捻首宋禧沅等與金樓層齒相連時思救援自應先除此股以孤賊

勢臣國瑞督帶馬步兵勇臣毛昶熙派參將敖
天印等各帶楚勇鄉團於三月十六日將王雙
樓四面圍困先用炸礮攻打將圩內房屋燒盡
賊勢窮蹙是夜三更匪首宋禧沅等率領匪衆
二千餘人傾巢出竄向南奔逃恆齡等管帶馬
隊追至黃仲集地方該逆列仗抗拒我軍奮勇
衝壓匪勢不支紛紛退敗追殺三十餘里將竄

匪殲除殆盡僅餘賊匪二百餘名竄入距亳州西北十八里之丁水陸堡當將王雙樓賊圩平毀訊據擒賊供稱擒首宋禧沅王胖兒均已陣斃當經派員前往詳查如果屬實歸德地方除此巨患百姓藉此可以安業奏入報

聞

僧格林沁又奏言曹屬長槍會匪雖經官軍將

匪首郭秉鈞等擊斃惟焦桂涓等率領餘黨潛逃依附皖捻之內茲據探報該逆勾結李城李廷彥趙浩然等擁衆北竄意圖報復此等窮寇一經裝旗北竄勢必行走剽疾雖臣等全軍迎勦尙須竭力圖維有備方能無患今汝光告急清淮喫緊疊蒙

聖諭飭令酌量撥兵臣自應遵派前往但所撥馬隊

若僅千名或數百名何能濟事若欲厚撥兵力
臣等所統馬隊堪以出隊者不過三千餘名兵
分力單捻匪窺探虛實勢必乘虛北竄且河南
之汝光江南之清淮均距臣大營七八百里卽
使抽身回顧亦恐鞭長莫及臣晝夜思維焦灼
萬狀或應專防北面相機進剿或帶領馬隊援
應清淮未敢自專惟有仰懇

聖恩指授機宜俾臣得有遵循以期周妥奏入

上命議政王軍機大臣傳諭僧格林沁曰曹屬會匪勾結捻匪意圖報復僧格林沁卽當以全力扼賊北竄不容稍涉疏懈豫省匪勢西趨卽著咨商鄭元善毛昶熙妥爲扼剿其清淮需調馬隊一時未能派撥並著飛催田在田德楞額等軍回援與吳棠會合夾擊僧格林沁爲國重臣於剿辦捻匪固

未能處處分兵亦必須面面顧到刻下自應先將
焦桂涓等勾合皖捻一股併力殲除以清北路門
戶其餘再由該大臣相機酌辦不爲遙制該大臣
亦不必以事涉棘手輒行請旨致誤機宜

二十五日丁未鄭元善毛永熙奏言接據各路探

報三月初九日捻匪由邳縣之趙寨奔竄汝州
邊境該州知州舒亨熙督團於交界地方迎堵

初十日匪衆潛由僻路徑撲城關該州折回守禦並挑募練勇更番出擊斬馘悍賊百數十名又乘夜派勇偷襲賊營放火吶喊匪衆驚潰於十一日竄及臨汝鎮分爲兩股一由登封諸葛村擾撲龍門鎮一由宜陽白楊樹向西竄駛先經參將馬春華帶領標兵會同署洛陽縣知縣徐光第調集鄉團扼紮龍門嚴密戒備該匪大

股麕至兵勇槍礮齊施轟斃不少該逆由西南
閒道與宜陽一股會合十三日直撲河南郡城
東南兩門放火圍攻勢極兇猛署知府安奎督
同文武登陴守禦連開槍礮並募勇縋城出擊
先後斃匪多名匪股暫退十四日馬步賊匪萬
餘人突由南門圍繞西北噴筒火箭飛集城樓
該府安奎親督文武加意守禦槍礮齊施轟斃

甚多三時之久賊始退踞北邙山呂祖閣一帶
宜陽韓城等處已有匪蹤臣等查洛郡爲西路
門戶皖捻覬覦已非一日現在府城被圍情形
萬緊且西路近偃山陝道里紛歧有防不勝防
之勢除飛咨山西陝西各撫臣嚴飭調防官兵
認真堵截外適楊飛熊李徵松兩軍並西安馬
隊五百名均於十七十八等日先後到許臣鄭

元善派剛銳等營楚勇並驍壯等營及黑龍江
西安馬隊共計馬步四千五百餘人交副將楊
飛熊統帶取道襄郟汝州兼程馳赴洛陽繞出
賊前迎頭擊勦惟臣鄭元善營兵勇除派出外
不過千餘名宋營兵勇臣毛昶熙隨同親王僧
格林沁攻勦金樓踞匪親駐馬牧集督勦軍情
正緊勢難分兵而省垣根本重地不能不就近

兼顧臣鄭元善惟有就此兵勇千餘名仍駐許
昌調度策應一面咨飛兩湖督臣湖北撫臣飭
令各路防兵加意堵截飛調團練協剿以補兵
力之不足並函商勝保如陳郡兵勇尙可抽撥
卽迅派馬隊千餘名由省城沿河一帶馳援河
南郡城旣可與楊飛熊一軍收夾擊之效亦可
繞顧豫境河防使該捻不敢乘虛北犯仍一面

飛行河北鎮道督率兵團嚴防北岸毋令竄渡
奏八

上命議政王軍機大臣傳諭勝保鄭元善瑛琰英桂
張芾毛鴻熙曰捻匪由郟縣奔竄汝州擊退後復
撲河南郡城旋踞北邙山呂祖閣一帶宜陽韓城
鎮等處亦有匪蹤鄭元善現在飛調楊飛熊李徵
松兩軍及剛銳等營楚勇西安黑龍江馬隊馳赴

洛陽繞出賊前迎擊著卽嚴飭楊飛熊等督率各軍兼程前進協同該處團練四面兜剿務將圍撲河郡股匪盡力殄除勿留餘孽河郡偏近山陝道路紛歧該匪被剿情急難保不乘閒西趨竄擾山陝著瑛棨督飭駐紮潼商等處將領嚴密防守張芾卽聯絡各處鄉團會合官軍互相策應其山西東南一帶邊境附近豫省各郡縣並著英桂督飭

一體嚴防毋稍鬆懈洛陽去孟津不遠河防尤關
緊要著鄭元善速飭河北鎮道督率兵團嚴防竄
渡毛永熙隨同僧格林沁攻剿金樓踞匪宋營兵
勇勢難分撥第督辦豫省團練是其專責現在河
郡被圍情形萬緊毛永熙豈容坐視著卽激勵各
處團練齊心協剿奮勇殺賊俾該匪進無可掠之
糧退無可竄之路圍穎之賊現已西竄陳郡兵勇